

## **ZNATE LI ŠTA ĆETE PITATI MOGUĆEG POSLODAVCA NA RAZGOVORU ZA POSAO?**

Mnogi kandidati koji konkurišu za neki posao ne postavljaju pitanja poslodavcima, čak i kada ih pitaju da li ih nešto zanima. A trebali bi. Evo nekoliko pitanja s kojima možete nastaviti razgovor i saznati bitne stvari u vezi posla koji vam se nudi. Ne opterećujte razgovor pitanjima na koja odgovore već možete naći putem službenog internet sajta firme ili mreže ličnih kontakata.

1. **Možete li mi, molim vas, opisati kako izgleda tipičan dan na ovom radnom mjestu?** Ovakvo pitanje će razbiti tremu kod poslodavca i pokazati mu da ste zainteresovani za posao.
2. **Možete li mi malo bliže pojasniti od kada postoji ova pozicija?** Suština ovog pitanja je da saznate koliko je ljudi radilo na toj poziciji do sada i zašto je raspisan konkurs?
3. **Šta su bile osnovne vrline i mane osobe koja je prije mene radila na ovom radnom mjestu?** Odgovor na ovo pitanje će vam dati jasniju sliku o tome šta vas očekuje u budućnosti.
4. **Šta je najteže na ovom poslu?** Na dopadljiv način ćete istražiti šta vas najviše zanima, a to su problemi s kojima se možete suočiti u budućnosti.
5. **U kojoj oblasti vašem timu/firmi trebaju poboljšanja?** Ovo je važno jer možete saznati koje se tačno vještine traže za određeni posao.
6. **Kakve su šanse za napredovanje?** Postavljanjem ovog pitanja pokazujete ambicioznost i spremnost da se razvijate.
7. **Na osnovu čega ocjenjujete rad vaših radnika?** Odgovor na ovo pitanje će vam dati uvid u stvarne prioritete vašeg potencijalnog poslodavca.
8. **Ko su najuspješniji ljudi u vašoj firmi i zašto?** Ovo je način da prodrete u najdublji nivo poslovne filozofije firme.
9. **Imate li ikakve nedoumice u vezi mojih sposobnosti da obavljam ovaj posao?** Za ovo pitanje treba petlja, ali ga možete postaviti ako vam je brzo potreban odgovor. Poslodavci će uglavnom na ovo reagovati sa odobravanjem jer pokazujete hrabrost, a usput ćete dobiti i korisne informacije.